

270e VD16

In laudem artis versificatoriae doctissimi
viri Io. Niniuitæ carmen Iacobi
Pape, ad Lectorem.

Quisquis es Ausonios cupiens contexere versus,
Hoc eme metrificę nobile legis opus,
Syllaba quanta docet, vel qualis rite locanda,
Et qua iam versus arte regendus erit,
Confiteor fuerant doctorum scripta virorum
Manca, sed hæc studio sunt stabilita bono.
Quicquid habent sacre congesta volumina frugis
Hanc nouus ingenti fœnore reddit ager.
Contrectare diu docet omni euoluere noctu,
Versibus vttilior non liber esse potest,
Hunc lege, ne vanis excedant tempora rebus,
Et data sub memori dona reconde sinu.

Hexastichon Liuini Crucij Enomij in artem versifi-
catoriam Ioannis Despauterij Niniuitæ.

Si iuuat Ausonia musas celebrare camœna,
Si iuuat Orphæis plectræ sonare modis,
Linque sacros haustus Heliconis, linque liquores,
Desine sompniferis sæpe cubare iugis,
Hic Heliconis erit fons, hic Parnassia rupes,
Ora riges vigil hoc sit tibi monte labos.

